

28539

樂大典

卷 〇〇九三	卷 〇〇九二	卷 〇〇九一	卷 〇〇九〇	卷 〇〇八九	卷 〇〇八八	卷 〇〇八七
師 字	師 字	師 字	師 字	師 字	師 字	師 字

永樂大典卷之九百七

二五

師 太師二

宋眉山唐子西集代謝蔡太師啓 始緣力請得返弊廬終賴仁私盡還
舊物豈惟銘佩亦復兢惶甚屏迹累年無識面者閨門度日將終身爲自
牧老大之心遂絕進陞之望未甘扶杖起居雖健於管寧久已歸巾志意
自同於陳寔忽奉昭回之蹟大推霽霽之恩舊惡宿愆一時蕩滌前侯故
將以次覲收顧惟朽鈍之軀屢費陶鑄之手終蒙記錄不忍棄捐謂其嘗
任宰司故優其班序謂其久安田里仍處以虛閒就使自爲之謀想亦不
過如此靜循其本敢不知歸此蓋伏遇某官以王佐之才值聖人之運將
今四海盡蒙此屋之封首使一大獨掩向隅之泣致臨褒退亦極寵榮食
既愈浮寧有小言之稱位非所構得無大羞之憂辭受之間莫知所措李
曾伯可齊集代蜀總賀史丞相拜太師魏國公啓 大庭播告上賓金
定鼎相成師禮重周公之德分圭啓魏國名嘉畢萬之封昭宗臣佐不
勲示明主報功之寵古今盛事中外歡心竊以六典作難首三公而

百官表漢。非一職以爲稱。自尚父得於礪漢。而子房奮於黃石。寥寥
落落幾人。迄我皇朝。尤爲曠典。惟淳化真人之紹述。禮趙普以勲勞。王
祐天子之幼冲。拜路公以年德。中興而後。未見如斯考國史之所關。獨
稽之先烈。然在孝廟十年庚戌之旦。始跡魏社之封。迄于光皇三月甲寅
之辰。初演師桓之命。非以欽崇於舊學。則由擁佑於重光。方蔚爲寶訓之
首稱。况繼金甌之全美。超前越後。僅有絕無。恭惟集官社稷重臣。國家元
老。正權綱於聖化。更張之日。運籌策於王室。規恢之時。事能應物。能名持
箸龜之先見。剛不吐。柔不茹。存金石之誠心。坐扶茂陵三十載之治功。益
衍炎祚萬億年之休命。赤駟獨隆於左右。黃旗漫盛於東南。屬開曆數之
紹堯。方卜謳歌之歸啓。天擎龍柱。金滕藏代發之書。日洗虞淵。王几任保
劉之寄。遂定一代延長之計。光彰兩宮仁孝之忱。以至義賢鬼神。息四海
鷄鳴之難。信行蠻貊。格五胡狼虎之姦。國勢無山岳之動搖。人心有松柏
之茂悅。矧登鴻碩。叶贊燕詒。奉廣如之徽音。佐繼聞之玉烈。屹然於恢容
審勿之頃。隱若有憑藉。維持之基。斯先享於天心。宜莫隆於人爵。竊聆奎
翰。親發玉音。道慈訓之丁寧。示元勲之尊顯。謂先朝眷倚之意。當示褒崇
而今日擁翊之功。豈容謙抑。所以彰。期不世之績。慰二祖在天之靈。吳

數肆欲。僉言惟允。山川世胄。方益增之。封嚴石民。瞻富愈重。槐庭之位。然且秉樞機之周。審運鼎軸之英。步被之詩歌。宜在衆民。崧高之雅。炳之史冊。無愧伊訓。說命之書。身親見之。民生幸甚。某謬司并絡。爰屬泰階。矧竊聽於黃麻。喜敬廣於綠竹。丹心報國。敢忘雨露之深恩。白首逢時。未分江湖之終老。賀鄭左相除太師。魏國公啓。辭亮太師。制麻誕播。魁柄載持。不必備官。惟其人。謙處維垣之貴。爰立作相。置諸左。晉封大國之榮。尤鼎尊安。八埏閭閻。張本朝之上宰。圖共政以萬人。命路國於至和之二年。則及首台之重。陟復以公於隆典之初。禩亦由次輔以復升。大冊贊聞。前修玉邁。恭遇某官。器閥而同傳。誠立而明通。有王佐才。務引其居於當道。曰大人者。將以先知而覺民。公論侍之以統盟。善類倚之爲宗主。自運公簪。叶輔宸極。持勁節之冰霜。締隆知於金石。慨念治功之遠邈。圖回世運之艱危。酬酢戮。堅旋力。量。統百官而撫夷夏。遵萬物以理陰陽。咨爾股肱。地三年而爲國。隆吾體貌。成一德以享心。上方待之以不名。公逾進然而母伐。茲頒九命。式剖群情。然且陳善責難。俯臨姚崇十事之說。榮就列。逮逾鄧鹿三遷之高。對揚帝訓之丁寧。冀勿阿衡之倚賴。龍象斗。所賦公去。蓋將軍大儒熙載之工。予以剖明主仰成之意。某惟事。

費謀猷。治善化吏。雖類解以方調之。師老財匱。始如張而未把之。猶聞尺牘之證深。未易方之。割之效速。旁觀泛論。雖非實誼。陸贄以能言。單智盡忠。孰識如晦元齡之不為。竊窺偉奏。歌嘆盛心。譬彼中流。屬萬斛之航。而必屈。度乎行道。審六馬之馭。以何難。天其開平治之期。時則賴扶持之力。器舊人求舊。無疆惟休。德新日又新。永膺多福。其窮閭屏跡。大廈圓身。風象化治之生成。今親明綸而鼓舞。謹名未洗。豈敢希人才典予之收。慶頌喧傳。猶願劬儒士歌詩之作。珣寅奕然。集代張子。期上秦太師。啓不度寒微。敢緣恩紀。輒伸懇款。况胃威尊。願惟嘔吐之誠。難覩瑱塔之造。再三以漬。誅謫是宜。伏念某驚驚下材。瓶罌小器。志惟守分。任則爲貧。奉香火之明祠。寸能莫効。謹風宵之常職。五斗是資。荷歷歲華。遂終考秩。永惟熙旦。大闢夷途。人懷布武之心。士切競辰之志。乃願卑飛之羽翼。已踰細滿之光陰。代者它方。杳然來耗。滯留興嘆。屢人不忘於起行。埃北無垠。頑礦實思於鈞鑄。況異代居夷之難。有本家先祖之忠。早被賞音。下延族從。萃隆私於門戶。銘深感於肺肝。念此僥求。非無階級。雖降才不腆。如騶鼠五技而易窮。然所欲甚微。在鵠鵠一枝而已足。危誠迫切。公聽旁通。某官。命世大賢。興邦元佐。蹈危履險。金石之不移。守信資忠。炳若星

辰之有度。一登撥路。大振邦榮。橫舟砥柱。風濤巨川。攸濟。置筮梅於鼎彝。衆口稱和。秦漢已還。顛覆莫二。蓋以伊周之術業。賡陪克舜之都俞。百揆惟公。蓋自任以天下。一夫不獲。如已摧諸溝中。自怜得散之無庸。未辱匠師之所弃。一施斤削。即預稱揚。某誓當勤瘁富官。靖共守位。思廉身而報德。方屏息以祈恩。王紫微先生集代張師謝大師除教學啓。假行都諱。塵之權。漸無課最。寓延閣高華之直。誤被寵遷。命拜自天。恩歸有地。竊以京兆重守符之任。甘泉嚴從橐之臣。出則濟治於劇繁。入則備承於顧問。昔兩都求治。貢三府之政聲。今六閭相輝。藏累朝之寶典。故輦轡雖制。裁之地。或筆囊陪侍從之班。如其未得鼓之輪囷。安得預瀛洲之妙選。伏念某材羞樗散。質愧橐杓。有家漂流。逢世恢復。策名委質。徒堅父教之志。趨事赴功。無益公家之利。項自湖湘之疎遠。誤蒙廊廟之召收。旋將潛於日。讎。雖承派於天邑。暮年已勉。策十駕以不前。東病居多。無一毫而仰報。屢有奉祠之請。庶銷曠職之憂。未聞洪造之矜從。反見清班之驟環。仰知全度。終欲曲成。寵至若驚。固當力疾。感深而泣。徒自戴恩。茲蓋伏遇某官。一德享天。三王施事。致主復雍熙之治。躋時題晏聚之期。道本密屬。遵經。而變化。人無求備。采葑菲以用才。遂俾庸虛。亦叨甄獎。某敢不益思不逮。

求稱所蒙。若泥在釣。已荷甄陶之賜。我心匪石。實懷慕刻之私。感愧所居。
數輝曷既。沈文通西溪集上留守太師傳中啓。伏念某竊伏東藩。竊然
萬里之遠。仰占台象。倬爾三階之崇。禮殊等威。甄絕中外。故不敢以翰墨
之屑。輒自過於屏棄之前。雖是瞻慕殊金之無窮。不知夙夜啓居而有聞。
宜謂某官。誥六公之責。忘相國之早。命記室以占辭。因行人而傳制。龍踰
衆贈。光照海濱。內視其愚。實無以稱於題品。尚期有立。庶幾不辱於門閭。
下情無任感激之至。上并州判府太師相公啓。伏審某官。易節成德。
撫封太厚。再書班聞。士論和附。恭以某官。自天生德。與世會亨。歷試朝廷
之難。式孚華夏之望。越參大政。再政冢司。有靖亂之功。銘如彝鼎。有致平
之業。格于皇天。雖外均乎遠勞。實內倚乎藩屏。上惟全晉之舊。大河之東。
總萬兵之符。制二虜之患。必用元臣之重。以張連帥之威。蓋以師長百僚。
故特尊於端揆。且將節度諸將。故專界於中權。富貴歸於故鄉。琴天驅於
縣令。人臣之極。行路以榮。然海隅之民。尚有缺望。政事之召。實期須臾。豈
伊一方。獨被大賜。某守藩于遠。拜慶無階。瞻望欣愉。倍百常品。紀纂淵海。
方雲翼賀。徐太師啓。祇奉白麻。進登黃閣。熟高不世。孰先柱石之元良。
品冠非常。獨應台階之上象。神明玄贊。朝野同休。竊以六飛南幸者。十有

七年。兵氣蓋嘗勞於百戰。兩宮北狩者幾踰萬里。群麇初不到於避莽。念
天步之多艱。痛神州之未復。人雖領治。計靡圖全。中更貪功喜事之臣。誘
張而發於失措。繼遭誤國謀身之士。懷秦而曷嘗有爲。和戰分爲兩途。是
非同於二變。更用九轉。迄無成功。惟公一人。獨賢英斷。迨使報之再隔。廼
盟墨之未寒。盡返龍轡。親迎魏駟。九重天笑。披長信之春風。萬歲山聲。動
未央之曉箭。偉矣君臣之相悅。欣然華夏之交歡。在昔所無。於今爲盛。其
惟某官。心常體國。德善誦兵。軍重厚之實。惟忠足以結主。養中和之氣。惟
誠。爲能動天。排群議於風波。萬頃之中。破異黨於盤錯。十尋之外。人雷同
軌。已獨矣。用能動不失時。直使慮無遺策。控臨彭於掌握。三令而十軍
盡分。遺滕陸如笑談。一言而兩國交定。有臣如此。其報云何。商樂阿衡。欲
有謀而必就。唐尊德裕。恨無官之可酬。是宜袞綉龍盤。廳橫鷁尾。固將坐
而論道。豈特均於佐王。天子與之臨軒。朝臣爲之下拜。擇賢而授。舍公而
誰。封加魏國之崇。位在周公之上。黑頭元舅。足觀鼎盛之榮。玉帶金魚。更
覺官高之貴。而况受千齡之間氣。符當代之中興。尤合諸侯。却兵車而不
用。威寧萬國。實保大以爲和。宜列屏之三槐。真擎天之一柱。功名富貴。身
同四海之安。宗廟朝廷。勢增九鼎之重。某。遊閑坦制。摘激儒衷。惟素說於

登龍。偶尚同於退鷁。年餘浸現。歲月徒嗟。獨帶山河。誓等無窮之勲業。鍾
爐造化。願同未就之坯埏。陳元裕上太師啓。明堂一註。精忠直貫於
三靈。廣廈萬間。庇蔭遍周於九野。自古大有爲之主。欲躋夫至治。必有不
可召之臣。共濟其康切。措天下之危亂。於已治已安。表賢人之德業。於可
大可久。綱維再整。竹帛難殫。但見夫君明臣良。四海仰舉陶唐載歌之詠。
更加之體制樂作。一時歸雖且致微樂之風。能此道吾誰與歸。非盛德曷
以臻此。恭惟某官。稟天間氣。作世真儒。勲業冠於伊周。志嘉合於稷禹。凡
几赤馬之孫。碩嚴嚴維石之具瞻。奮忠而權以大謀。沉幾有吉之先見。始
國步丁多艱之際。奮義裾馳不測之淵。正直質諸鬼神。忠信行乎蠻貊。天
欲平治。使我公歸。時方艱虞。爲蒼生起。正三軍之鼓勇。偶一介之尋盟。執
劍者如燕雀蚊蚋之過前。君子以獨立不懼。無議者若肝膽楚越之相視。
大人以合井爲公。片言定約於樽俎之間。兩國罷兵於社席之上。天迴地
轉。霧散雲收。介冑變而爲衣冠。劍戟銷而爲鋤耒。論已往之芳烈。奴隸皆
知。要無象之太平。丹青莫狀。且以溥天之下。迄今十載。丁茲兵歸府而將
歸朝。農處野而士處校。疆場之師干不試。場音亦南北活幾百萬之生靈。
僧道之度牒不行。版籍增數百千之戶口。熟藏盟府。德享天心。豈徒弄刀

筆依日月之末光。誠以吐經綸。勸仁義之既效。抑又秉鈞當軸。以總三鈐之柄。庶幾度德量材。而期百職之修。如某者。閩嶺歟生。武夷冷族。迹遠齊魯。詩書之國。世非東西。將相之家。鄰隙分光。獨對聖賢之典。典窮閭閻。常見慚無師友之淵源。早當累薦於鄉評。晚乃叨塵於末第。衆笑讀賢書之書未熟。自嘆傳龜手之術不靈。勉強銓衡。而法律之士。方求精於案牘。過選類試。幸縉紳先生重稽古於禮文。俾茲蠹紙之魚。首玷黉堂之雀。金爐造化。藻洋清優。况領風教於四明。實倍等倫於二浙。人材岐嶷。非力反從古有聲。歲月因循。自慚無補。坐磨厯給。濫造階資。既逃曠職之誅。敢復趁廐之禮。學充參桂。雖不足助調元之手。於千金。掌補乾坤。亦或能爲化工之巧。於一點。與其進也。請試申之。儻狂狷或不足以剪裁。則進退當自安於愚分。趙彥端藉田賀太師啓。光輔聖躬。肇開帝籍。雖九功叙禹。皆導民務本之心。而庶事備周。繫論道經邦之力。迄成懿典。允賴宗臣。竊稽千畝之上儀。罕偶一時之亨會。文帝舉於蕭曹。既達之後。太宗行於房杜。未相之前。禮粗講而少經綸。論或清而無折衷。均由多故。屢遷舊章。上有務農重穀之誠。靡違於暇給。下有力穡服田之意。每害於派止。寂寥載笑之詩。曠絕旬師之職。五谷熟而民人育。昔莫保於小康。元首明而股肱長。今

乃觀於能事。增光累聖。貽訓四方。其惟某官。福被生靈。功存社稷。享天心以一德之有。肇明主以三代之隆。爰當文治之期。肆奉親耕之詔。齊宮御事。謹太史之先時。龜卜告謀。叶孟春之元日。對威顏於南面。導法駕於東郊。駿假無言。既奉承於明薦。肅顯禋祠。式冠映於群工。而况總攝使名。進共御未。奏函在史。追加禮於乾元。勞酒班朝。首殊勲於太極。君臣盡道。今古絕儔。某久託陶鈞。屬還表署。獻安仁之賦。敢妄意於昔人。迷于淵之辭。但馳情於善頌。周紫芝賀太師啓。通燿火以親祠。爰重配天之義。載太常而紀績。首疏胙土之恩。既申錫於隆名。乃對揚於休命。衣冠欽詔。宗社安榮。其惟某官。盛德體仁。陰功及物。休兵解甲。知黜武之無威。繼好息民。故交隣而有道。還烽盡滅。使幣相望。俾狂瀾既倒而復回。奉善師不陳而能勝。雖盡忠竭節。在昇靈授契而不過。至扶顛持危。蓋房社姚宋之可及。禮樂固斯而大備。君臣俱欲於無爲。乃即南郊。以秩元祀。神倉積而歲盛必潔。景鍾奏而律呂遂諧。蒼壁嚴儀。八陛合圓丘之制。清臺占象。五星呈同色之祥。大禮既成。朔表載喜。謂告太平乃文祖之德。而祀明堂則周公其人。揭一德之名。本取精忠之意。錫益都之號。又歸輔弼之功。皆出聖神之自知。考諸書傳而未有某論才雖陋。感德則深。草木至微。亦繫造化。

生成之數。嘉魚遂性。豈無游泳鼓舞之情。翟忠惠先生集賀拜太師啓。伏覩制詔正月一日。大慶殿朝賀受傳國八寶。太尉僕射相公。再拜太師者。仰止三朝之老。蔚為萬衆之師。裂以山川世胄之封。崇以鉞鉞專征之器。貴窮人壽。美享天心。古者天子有七人之爭臣。太師首三公而論道。所以儀刑海內。輔導帝躬。嚴朝廷則爵為達尊。事德義則貴有所屈。成湯先學於伊尹。必有所不召之臣。楊公無人乎子思。不能安長者之側。有來命世之哲。以起非常之元。恭惟太師僕射相公。道濟摘綸。文能經緯。非子覺之誰也。豈曰友之云乎。王曰。嗚呼。父師。作祇命周公之典。余惟克邁乃訓。繼舊學甘盤之賢。極名器則禮敬益隆。咨典刑則老成爲重。就訪大事。必先太史之乞言。俾乘安車。參用黃門之設几。展於五典。論厥九疇。以鎮定如巖石之瞻。以傳厚若阿衡之倚。一國之巨室所慕。爲政不難。天下之大老來歸。其子焉往。周能制作禮樂。頒度量於明堂。黃亮聖明。受恭元之神策。聲稱寶玉。於赫稷咨。然而無競維人。惟德其物。昔者倚相能道訓典。晉大夫失問於白珩。子反善理兵戈。秦使者改觀於和璧。不有君子。將焉取斯。洪惟熙洽盛治之聖朝。相以瑰璋。光明之人。際光于史典。配君陳畢命之書。載之聲詩。詠茲高燕民之推。賀大師收燕山啓。伏審吉廷大

號正位上公。遠冒山河。擁百靈之交衛。建游廓廟。膺多福之鼎來。凡遠有生。孰不同慶。恭惟某官。三朝元老。四輔宗臣。忠誠動乎冕旒。威信行乎華夏。謀深辟國。無如召公。道繼格天。有若伊尹。由是致二帝三王之治。用能專五侯九伯之任。奇功屢書。已在鼎彝之上。殊算迭用。不出帷幄之中。乃眷燕雲。久湮沙漠。累聖未皇於問罪。窮酋自致於渝盟。當宁請行。來轍撫定。貔貅萬旅。正十六州疆場之初。烟火一家。復二百年版圖之舊。廟略已定。凱旋而歸。勒名重崖。舍爵清廟。固宜情非常之典典。然後稱不世之勲勞。錫盾彤戈。亟上元戎之節。袞衣赤舄。首登真相之班。益峻臣鄰。永熙帝載。某方馳騁。莫造鈞庭。闡社稷之殊休。增指紳之懦氣。輒陳國陋。敢冒近嚴。云云。詞語清煩。欲盡剪芟之議。位貌間絕。願寬鉄鉞之誅。劉屏山集代賀秦太師啓。伏審顯膺再命。進陟帝師。惟大勲偉業。常出於艱難。非絕品殊階。則無以報稱。既內崇於毗倚。亦外聳於觀瞻。出自上隆。無心不悅。共惟太師僕射相公。氣鍾英偉。德蹈中庸。忠亮貫於神明。聲名播乎夷夏。高仲連之節。嘗恥帶秦。喜季子之歸。果聞昌譽。符膺圖任。益登謀謨。先審定於國維。爰更張於戎政。宣公遠慮。明國家臂指之權。德裕一言。解藩鎮輔車之勢。人情不驕。王室益尊。當敵國之尋盟。察天心之悔禍。綏之以

德斷以不疑。達誠意之既孚。凡指求而必獲。同軌畢至。慰周陵反葬之思。跼步不忘。遂長信承顏之樂。事非衆料。功異前聞。嘉猷允契於宸衷。流慶大敷於寰海。繡裳珥帶。已承特異之恩。紫蓋黃旗。先佐方輿之運。如天所授。何謀不成。某猥辱甄陶。喜聞播告。鳬超英獲。敢通劄牘之誠。蝶夢徒勤企想。維垣之峻。葛勝仲丹陽集賀秦太師啓。伏審狼膺再命。擢拜帝師。慶決人天之恩。派華裔。竊以爲三公而論道。九重師臣。宅百揆而惠時。仍都相職。專惟周室。大倚師垣。雖武用太公。嘗著鷹揚之效。而成尊姬旦。猶存狼跋之疑。孰若策不賞之元勳。正久虛之重任。君臣有鳬藻之合。社稷致磐石之安。民言大同。國是坐定。恭惟某官。博大而持正。高明而守中。格于皇天。夙負耕莘之蘊。保茲天子。共推降嶽之美。錄次輔之協忠。正冢司而專任。操持一節。調羹萬微。仰惟東朝。久淹朔野。望慈闈於萬里之外。阻大養於一紀之餘。雖詹主焦心。以待其還。然群臣卷舌。而不敢議。獨公決策與神爲謀。既馳使駟。以輸誠果。見鑒與之返國。事光陸賁。功百侯公。兩宮之疊。佛雕還中。壺之龍輻。而至慈寧。願啟獲仲愛日之考誠。永固崇成。復慰在天之靈鑒。惟此非常之盛事。併歸夾輔之秘謀。財鼓橐弓。已見升平之象。宜茅胙土。更期慶賜之行。伏念某。備官通顯。尸祿道。十年留落。自

安虞度之群。一德明揚。敦忘燕雀之賀。張守屹陵集賀。秦左相除太師。啓
伏審崎嶇元綱。正位師臣。寵疏兩國之封。魏冠群公之表。四方瞻聳。萬
口雖呼。共惟某官。悅誠足以格天。敦厚足以鎮物。立奇節於多難之始。結
異眷於中興之辰。早激孤忠。固捨生而取義。晚熙大政。復遭變而知權。謀
猷入告。而聖主仰成。精神折衝。而敵國退聽。可屬大事。隨周勃之少文。生
止訛言。本王商之多質。既獲和戎之利。遂臻偃革之期。固陵復主。而燕在
天之靈。長樂還宮。而酬陟之望。勳煥鼎鍾之勳。榮紆袞黼之褒。黜銷黃
口之浮言。率歸與誦。復見黑頭之盛事。及掩前聞。更中帶礪之盟。求作巖
廊之鎮。善又叨契好。不替初終。得請真祠。脫沉痾於垂死。偷安故里。瞻盛
典於餘年。永懷坻埴之私。莫綴指紳之賀。喜而不寐。言之無文。張紫微先
生集賀。秦太師車駕幸賜第。啓伏。親郊報六月初三日。車駕幸太師僕
射相公賜第者。里旅勸功。帝奏已居於輪奐。宅章既定。天臨更駐於和鑒。
事絕前聞。歡騰無外。伏惟慶慰。竊以漢賜令其近我。蓋嘉面覆之功。齊第
列於康莊。實修致賢之盛。然事或乖於宜稱。禮未極於優隆。豈若聖時。獨
超振古。非但為尊儒之懿。緊實增汗簡之光。伏惟太師僕射相公。道冠伊
臯。功踰周召。澤被兩朝之赤子。咸歸真枕之安。德符上聖之好生。宜有廣

居之賜其威蒙恩遇久荷明隆堂丞相之門豈絕掃塵之念彈候奄之意
初無善頌之辭史蓮奉先生家集代張丞相德遠賀秦丞相除太師啓
伏審顯膺命典之隆首冠泰階之重伏惟歡慶恭惟太師僕射相公器涵
精粹學茂經綸出入險夷躬履危而可疚把張文武才任大以優萬贊限
遠之威懷輔格天之孝治式旋觀御歸正保茲功尤軼於前聞事有光於
振古彝章攸舉輿論僉諧暢達上之邈然聳宏休之卓爾莫展這前之慶
徒勤抒躍之私周紫芝太倉梯米集進書賀秦太師啓 詔孫謀以燕翼子既
纂成書漢大號以揚明庭爰頒寵時布在文武之方冊恭諸克弊之典謨
夷夏交孚神人具喜共惟某官周邦元老商后聖臣羽翼六經襲孔子剛
詩定書之志陶成萬化當周公制禮作樂之朝繼與華於遠方混車書於
區夏寶隣修好上帝降康邁國家開敷之時乃文物修明之具聖謨具在
宜增唐帝之煥章武烈既昭當天周宣之文德載之巨蹟實賴宗工掌述
河洛之圖書脩述帝王之儀憲奎壁騰曜聚若雲漢之昭回金匱寶儲永
作邦家之軌範繫此聖神之作允爲論次之功宜極褒嘉以旌殊烈凡在
陶鈞之內敢忘抒蹈之情某久沐恩波尚塵康樂琅函藻笈賴鍾山秘典
之藏羽蓋霓旌想漢殿皇儀之盛莫慶逞展徒切望風史浩鄭峯真隱漫

錄除太師謝留右丞相啓 充負帝傳已懷非據之羞進位師垣更冒曲
成之造固辭弗可承命知榮伏念某少也迷運晚焉遇合秉鈞探席蔑據
經濟之才摘句清廟何補緝熙之學深虞曷日旋卽引年久卧病於漳濱
徒馳神於魏闕屬大明之繼照鑒萬物以皆新豈料陳人首露霈渥嘗歷
觀於舊例竊有感於孤表文潞公愷章蔡之不知呂申國喜范韓之得志
遭時各異享福斯殊矧某至愚豈回教望幸宗工之當軸冀宏度以庶職
膺寵自天既荷兩宮之眷佑歸恩有地實繁一相之甄銘茲蓋伏遇某官
德厚無垠勲高不伐伊尹以天下自任夙簡上心留侯爲帝者之師堯範
祖武當論道經邦之暇有好賢樂善之誠遽使屬微亦叨光潤面槐隗始
漸揚執之在前結草穎同願指樞之敢後其爲感幸固既敷宣金正叔集
賢北京賞太師啓 伏以正吉始和通班常於都鄙仁賢胥慶宜獲祐於
神明恭以某官著效真儒助宣元化協恭一德時方倚重於阿衡營致太
平議者比才於公旦外嚴宮綸安輯都城雖兩京舉被於仁風而四海望
深於霖雨光齊台極坐擁春祺佇從璽書重調鼎鍊某棲麻在遠獻壽無
階瞻望鈞嚴無任依頌之至林希逸竹溪集賀丞相除太師劄 國重元
勛階崇極品茲惟后矣宅牧宅準以式四方曰吾師乎爲仁爲義而澤萬